



Verwysing: 20201119-9695
Lêerno.: 3/1/3/1
Navrae: Kringbestuurders

Omsendbrief: 0047/2020

Vervaldatum: Geen

Aan: Adjunk-direkteurs-generaal, Hoofdirekteure, Direkteure, Hoofonderwyskundiges, Kringbestuurders en Prinsipale van alle openbare skole

Kort opsomming: *Voorsiening van staatsdiensdiensstate vir ondersteuningspersoneel vir 2021 aan gewone openbare skole en spesiale skole.*

Onderwerp: Voorsiening van staatsdiensdiensstate vir ondersteuningspersoneel aan gewone openbare skole en spesiale skole

1. Die hersiening van staatsdiensdiensstate vir ondersteuningspersoneel by alle gewone openbare skole en spesiale skole vir die tydperk van 01 April 2021 tot 31 Maart 2022 is ooreenkomstig die goedgekeurde norme en standaarde gedoen.
2. Die bogenoemde hersienings is gedoen deur die volgende beginsels te gebruik:
 - a) Handhawing van stabiliteit by skole vir 2021.
 - b) Bepaling van die finansiële impak van die toename in toewysings vir staatsdiensdiensstate vir ondersteuningspersoneel in ooreenstemming met die begrotingsvoorsiening vir die uitgaweraamwerk vir die 2021/22 medium termyn.
3. Gegewe die huidige fiskale uitdagings in die vergoeding van die werknemersbegroting van die Wes-Kaap Onderwysdepartement (WKOD), is daar besluit om die huidige toewysing van die staatsdienspersoneeltoewysing vir die 2021/2022-boekjaar te behou. Dit is egter belangrik dat alle personeellede optimaal benut word, wat onder andere, ook die pas en plasing van botallige personeel in vakante poste vereis.
4. Waar permanente poste vakant raak, sal botallige werknemers voorkeur geniet vir pas en plasing in sodanige poste voordat goedkeuring verleen word om die poste op 'n kontrakbasis te vul.
5. Slegs waar 'n gewone openbare skool en/of spesiale skool vir 'n addisionele staatsdienspos/te binne die goedgekeurde norme en standaarde skool in aanmerking

kom, en daar 'n botallige staatsdienswerknemer/s is wat bereid is om by die skool geplaas te word, sal die WKOD die skep van 'n staatsdiensondersteuningspersoneelpos goedkeur om die botallige staatsdienswerknemer/s te absorbeer.

6. Die staatsdiensdiensstate vir ondersteuningspersoneel vir 2021 by gewone openbare skole sal op 26 November 2020 op SOBIS onder "Administration" geplaas word.

GETEKEN: BK SCHREUDER

HOOF: ONDERWYS

DATUM: 2020-11-25